

حقوقی بیکسیر مجموعہ سی

ہر آئی سو کنندہ نشر اول نور

اعلام مذکور خلاصه مالی : مدعی رفائل قاسمی و مخدوملری شرکتک ایکی بیک لبرانک تحصیلنه و درت بیک بش یوز دولارلق کفالت مکتوبنک ابطالنه دأرملنی تجارت بحریه محکمه سندن مدعی علیه علسکساندر مانغو افندی علیه استحصا ایلدکلری اعلامک لدی التیز بعض اسباب قانونیه دن نقض ایدلمسی اوزرینه نقضه تبعاً اجرا قلنان محاکمه سی نتیجه سنده ، مدعی رفائل قاسمی و مخدوملری شرکتی و کیلی موکللری ماهیه الیشر لبرا آلمغه راضی اوله رق مدعی علیه امهال ایلدیکنی و مصارف محاکمه بی دخی قبول ایتدکلرینی و مدعی علیه کده یمین تکلیفندن صرف نظر ایلمس اولدیفنی بیان و مدعی علیه و کیلی ده بو صورت حلی مؤکلی قبول ایله یمین تکلیف ایتیه جکنی اتیان ایلمرلیه مدعی علیه و کیلی شرائط آتفه دأره سنده مطلوبینی تأجیل ایلمسنه مبنی دعوای واقعه نک ردینه دأر صادر اولان حکمک عند التیز وکیل بهرام افندبنک صلحه وکالتی اولوب اولمادیکنک تحقیق اولنماسی و علی الاصول طرفینجه صلحنامه تنظیم ایتدیریلهرک اصول حقوقیه نک آلتمش برنجی ماده سی موجبینجه تسجیلی ایجاب ایدرکن بالذهل بوجه محرر افای معامله

واعطای قرار اولتمسك مخالفت قانونیه سندن ناشی نقضاً محله اعاده قلمسی اوزرینه حادثه وکیل موکلی نامه بر صلح یامایوب موکیلله خصمك خارجاً مسئله بی تسویه ایتدکری و مدعی علیی تأجیل ایدرك بر دعواسی اولمادیغنی اخبار و اقرار ایتش اولسنه و اصول محاکمه حقوقیه قانونك آلتش برنجی ماده سی محکمه جه تصدیق ایدیلن صلحله عائد اولوب دعوی حاضرده طرفین صلحك تصدیق و تسجیلنی طلب ایتهمش اولمارینه و محکمه تسجیل خصوصنده طلبله مقید اولدینی کی مدعاهاك تأجیلندن صکره حلول اجله قدر استماع دعوایده امکان قانونی کوریه مدیکنه مبنی حکم سابقده اصراره قرار ویرلدیکنی ناطقدر .

لایحه تمیزیه مفادی دعوی حاضرده طرفین وکیللرینك افاده لری مصالحه دن عبارت اولدینی آشکار اولدینی حالده بوجه محرر قرار ویرلدیکندن و سائر دن بالبحث حکم میز بهك نقضی و آنف الیان جواب لایحه سنده ایسه غیر وارد اولان اعتراضاتك ردیه حکم مذکورك تصدیق طلبنی محتوی اولدینی کورلشدیر .

ایجاب کیفیت مذاکره اولدوقده : صورت افاده لرینه نظراً طرفینك بیان ایتدکری معامله صلح ماهیتده اولسنه و اصول محاکمات حقوقیه ك آلتش برنجی ماده سنده صورت مطلقده صلح وقوعنده صلحی مبین سند تنظیم ایتدیریه لك بالتصديق اعلام اوله رق طرفینه ویریه چکی محرر بولمسنه بناءً دائرة خصوصیه جه متخذ نقض قراری وارد و لازم الاتباع ایکن بوجه محرر اصراره قرار ویرلسی مخالف قانون اولدیغندن اصول محاکمه حقوقیه قانونك ایکی یوز قرق طقوزنجی ماده سی . و جنبه حکم میز بهك نقضه و کیفیتك نقض واقع دائره سنده تکرار بالرؤیه اعلامه ربطی ضمتنده اوراقك محله اعاده سنه و بوجه زیر مصارف تمیزیه ك آتیا حقسز چیه جق طرفه عائدیتنه ۱۹ کانون ثانی سنه ۹۲۷ تاریخنده اکثریتله قرار ویرلدی .

[محکمه تمیزك قرار واقعی، تأمین حق نقطه سندن، پك مصیدر . طرفینك مقصدی دینی ماهیه الی لیرا اوزرندن تسویه سی اولماسنه نظراً دعواك ردی حالده مقصد تأمین ایدلر! زیرا اووقت مدعی هر آیلق ایچون آری بر دعوی اقامه ایتملیدر؛ حتی ۶۱ نجی ماده ده اکتایش بر معنا ویرمك نمکندر؛ خارجاً یایلان صلحك تحریری اولماسی و وثیقه ك محکمه به ابرازیه تسجیلی ایجاب ایدرسده بوصلح حقیقتده حضور محکمه ده

اجرا ایدلمکده اولماسنه نظر آ تحریری ورقهیه لزوم کوسترمه مک صورتیله اجتهاد ایدلمسنه ماده نك مساعده سی واردر. فرضاً حضور محکمه ده مدعی علیه دینی اقرار و آنحق تقاسیط ماهیه ایله تأدیه سی مشروط اولدیفنی درمیان ایدرک مدعی دخی بودفنی قبول ایتسه محکمه نك موجبجه حکم ایده جکی طبیعیدر؛ جریان حادثه ماهیه عینی صورتله تلقی ایدلمک لازمدر؛ اکر صلح واقع مطلقاً بر وثیقه تحریریه ایله یا پیلما سی قبول ایدیلوب بودفنه مدعی علیه بو سند تحریری بی ویرمز و یا خود اعلام منقوضک حین محاکمه سنده یوم معینه اثبات وجود ایتمزه محکمه مشکل موقعده قاله جقدر؛ او حالده یا اولکی اقرارلری سند کبی تلقی ایدرک بلا وثیقه مصالحه یی تسجیل و یا مصالحه تحریری اولدیفندن نظر اعتباره آلمایه رقی نه بوتون دعوائی صلحدن اولکی حاله ارجاع ایتمک احتیاجی حاصل اوله جقدر] غ . ف .

محکمہ نمیز برقی مقرون دأره سنده :

۶۳۱۰
۵۳۲۲ نومرولو اعلامی صورتیدر :

خلاصه : ماصهیه مراجعت ایتمدن دوغروجه سندیکار علیهنه محکمهیه مراجعتله مداخله لری نك منعی طلب ایدن دانشک دعوائی قانونی اولوب اول امرده ماصیهیه مراجعت ایتمدیکسندن ناشی دعوانسک ردینی مستلزم بر ماده قانونیه موجود دکلدلر .

غلطه ده خاویار خاننده مقیم تجاردن محمد شکری بک و کیلی قدوسی بک مؤکلنک کاتب عدللیکدن رأساً تنظیم قلمش بر قطعه سند موجبجه غلطه ده خاویار خاننده ۴۲ نومروده اغا زاده محمد خلوصی بک ذمتنده مطلوبی اولان مبالغت تأمین استیفاسی ضمتنده آتسهنه کوتو کوی نامیه معروف جفتلکده موجود مصر پاموقاریله قوزه لری مؤکلنه رهن و تسلیم اولنوب فعلاً زدنده مرهون بولندیقی حالده مفلس مومی الیهک ماصهیه سندیکری حاجی رفعت و جلال وجودت فخری بکر طرفندن مذکور رهنه مداخله ایدلمکده اولدیفندن مداخله واقعه نك منعی حقسنده اقامه ایلدیکی دعوانک جریان ایدن محاکمه سنده مدعی علیهم سندیکار مدعینک اول امرده و نائقی ماصیهیه ابراز ایتسی لازم کله جکندن دعوانک ردینی طلب ایلرلیله طلب واقع موافق قانون بولومش اولمغله مدعی طرفندن افلاس ماصهیه بلرراجعه ردی حالنده اقامه دعوی ایدیله یله جکله کوره ماصیهیه مراجعتله ردی تقدیرنده اقامه دعواده مختار اولمق اوزره دعوائی مقامه نك ردینه متدائر